



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

5 JANUARI 2022 (RABU)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

5 JANUARI 2022 (RABU)

Pengguna lega, peniaga ayam terus tersepit

GEORGETOWN: Rata-rata pengguna kini lega biarpun menyedari keadaan itu hanya sementara apabila harga bagi 12 barangan makanan keperluan terutama ayam standard dipasarkan pada RM9.10 sekilogram.

Mereka yang ditemui *Utusan Malaysia* di sini semalam berkata, penetapan harga baharu menerusi Skim Harga Maksimum Keluarga Malaysia (SHMKM) yang berkuat kuasa pada 1 Januari lalu hingga 4 Februari depan mampu mengurangkan bebanan kewangan isi rumah biarpun hanya tempoh 34 hari.

Seorang pengguna, Siti Aisiah Mahmud, 50, berkata, penurunan harga bagi barangan makanan keperluan seperti ayam, telur, kacang panjang dan sawi sememangnya amat dinantikan rakyat negara ini terutama bagi golongan B40.

Menurutnya, pelaksanaan SHMKM secara tidak langsung membantu rakyat menguruskan kewangan dengan bijak selain



ORANG ramai lega dengan penurunan harga bagi 12 barangan makanan keperluan menerusi pelaksanaan SHMKM sehingga 4 Februari depan meskipun menyedari ia hanya bersifat sementara.

dapat merancang kehidupan dengan lebih baik.

"Ketika ini, semua barang keperluan termasuk yang tidak jangka atau tidak terlibat dengan skim kawalan harga telah ber-

laku kenaikan harga yang mendadak.

"Bukan semua rakyat mampu untuk hadapi trend kenaikan barangan ini. Kami golongan B40 antara yang terkesan teruk den-

gan keadaan ketika ini terutama akibat pandemik Covid-19.

"Pelaksanaan SHMKM ini sekurang-kurangnya memberi peluang untuk kami berjimat-cermat dalam urusan pembelian barangan makanan keperluan. Lebih-lebih lagi bagi yang mempunyai bilangan isi rumah yang ramai," katanya kepada *Utusan Malaysia* di sini hari ini.

Sementara itu, seorang peniaga ayam di pasar awam di sini yang hanya mahu dikenali sebagai Din, 43, pula memberitahu, peniaga kini tersepit untuk akur dengan arahan pelaksanaan SHMKM.

"Kami juga berdepan dengan peningkatan kos barang mentah iaitu plastik dan terpaksa membayar gaji harian pekerja dan sewa premis.

"Setiap kali isu kenaikan harga berbangkit, hanya peniaga ayam yang difokuskan. Kami juga ada tanggungan keluarga dan hutang bank yang perlu diselesaikan. Kami juga ialah pengguna.

Oleh FITRI HAZIM, NOOR HASLIZA NUSI, NUR ANATI JUHARI, SUBKHI SUDARJI dan TENGKU DANISH BAHRI TENGKU YUSOFF

Orang ramai cadang pelaksanaan SHMKM turut libat barangan keperluan lain

Pengguna lega, mahu ayam RM7 sekilo

GEORGE TOWN — Rata-rata pengguna meluahkan kelegaan berhubung lanjutan penetapan harga menerusi Skim Harga Maksimum Keluarga Malaysia (SHMKM) sehingga 4 Februari ini yang mengawal harga 12 barangan makanan keperluan asas.

Tinjauan *Kosmo!* mendapati, lanjutan penetapan harga menerusi SHMKM mampu mengurangkan bebanan kewangan isi rumah biarpun hanya dalam tempoh sementara.

Seorang pengguna, Siti Aisiah Mahmud, 50, berkata, penurunan harga barangan makanan seperti ayam, telur, kacang panjang dan sawi sememangnya amat dinanti-nantikan orang ramai terutama golongan B40.

"Pelaksanaan SHMKM secara tidak langsung membantu menangani isu berlaku kenaikan harga yang mendadak.

"Bukan semua rakyat mampu hadapi trend kenaikan harga barangan ini. Golongan B40 yang terkesan teruk terutama ketika pandemik Covid-19.

"Pelaksanaan SHMKM ini sekurang-kurangnya memberi peluang untuk kami berjimat cermat dalam urusan pembelian barangan makanan keperluan. Lebih-lebih lagi mempunyai bilangan isi rumah yang ramai," katanya yang berharap agar SHMKM dapat dilanjutkan lagi.

Kosmo! semalam melaporkan, golongan peniaga menggesa kerajaan agar mengkaji semula kepu-



PENGGUNA berpuas hati dengan harga sayur-sayuran yang dikawal di bawah SHMKM di Pasar Presint 8, Putrajaya baru-baru ini.

tusan melanjutkan SHMKM terhadap 12 jenis barangan sehingga 4 Februari depan.

Malah, ada penjual mendakwa hanya memperoleh untung sebanyak 60 sen untuk setiap sekilogram ayam setelah membeli ayam pada harga RM8.50 sekilogram daripada pemborong."

Di **Bangi**, seorang pembeli, Aisyah Mansor, 51, berkata, walaupun ada penurunan harga dan terkawal, namun tetap memberi kesan jika dibandingkan dengan harga sebelum ini.

"Saya berpendapat harga ayam perlu diturunkan kepada RM7 sekilogram.

"Walaupun kerajaan sudah



KERATAN *Kosmo!* semalam.

menetapkan harga kawalan terhadap ayam, namun turun sedikit sahaja, harga tetap tinggi tidak banyak beza untuk pembeli macam saya.

"Sebelum ini harga ayam RM7 sekilogram boleh beli seekor,



KEKURANGAN bekalan telur ayam Gred A, B dan C masih berlaku di George Town walaupun harganya dikawal kerajaan. — NOOR HASLIZA NUSI

tetapi bila harga RM9.10, tetap perlu berjimat untuk membeli barang basah lain yang kos telah turut meningkat," katanya.

Di **Alor Setar**, seorang pengunjung Pasar Besar Alor Setar, Siti Roziah Ismail, 50, berkata, pelaksanaan SHMKM langkah yang baik bagi membendung kenaikan harga lebih tinggi.

"Harga barangan bawah SHMKM itu masih tinggi kerana sebelum ini kami boleh beli ayam bawah RM7 sahaja," katanya.

Di **Putrajaya**, seorang pelanggan Pasar Presint 8, Muhammad Fahim Mat Salleh berkata, SHMKM seharusnya ditamatkan jika bekalan 12 barangan yang di-

senaraikan mampu dijual dengan harga yang lebih rendah.

Di **Kuala Terengganu**, seorang pengguna di Pasar Bukit Besar, Nur Fariha Shafie, 38, berkata, dia berterima kasih dengan inisiatif kerajaan mengawal harga, namun RM9.10 sekilogram ayam dilihat masih membebankan terutama buat mereka yang berkeluarga besar.

Guru sebuah sekolah itu berkata, isu harga barang mentah merupakan sesuatu yang telah lama berlanjutan dan wajar ditangani secara serius.

"Pelaksanaan skim kawalan harga ini cuma penyelesaian jangka pendek," tegasnya.

Peniaga ayam akur walau untung hanya 30 sen

KUALA TERENGGANU:

Walaupun cuma meraih untung 30 sen untuk setiap ekor ayam yang dijual, seorang peniaga di Pasar Bukit Besar di sini akur terhadap penetapan Skim Harga Maksimum Keluarga Malaysia (SHM-KM).

Azriwana Mohamad, 41, berkata, barangan itu kekal dijual pada harga siling RM9.10 sekilogram sehingga 4 Februari depan dan tidak berhasrat menjual lebih mahal bagi mengelak sebarang tindakan yang memakan diri.

"Saya sekadar untung 30 sen kerana harga dibeli daripada pembekal ialah RM8.80 sekilogram. Saya harap tiada kenaikan harga di peringkat pembekal atau penternak dalam masa terdekat kerana keadaan sekarang sudah cukup membebankan peniaga," katanya ketika ditemui hari ini.

Baru-baru ini, Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi mengumumkan SHMKM bagi 12 jenis barangan yang sepatutnya berakhir 31 Disember lalu dilanjutkan sehingga 4 Februari 2022 sebagai langkah berterusan untuk menstabilkan harga di samping memastikan keberadaan bekalan.

Sementara itu, tinjauan *Utusan Malaysia* mendapati harga ayam yang dijual di Pasar Bukit Payung, Marang adalah RM11 sekilogram manakala RM13 sekilogram di Pasar Kuala Berang, Hulu Terengganu.

Seorang pengguna, Nur Fariah Shafie, 38, berkata, walaupun harga kawalan sudah ditetapkan kerajaan, namun masih ada segelintir peniaga yang ingkar arahan tersebut dan menaikkan harga sesuka hati.

Bekalan kurang, sanggup beli minyak dalam talian

Oleh MUHAMMAD SHAHIZAM TAZALI
utusannews@mediamula.com.my

ALOR GAJAH: Orang ramai sanggup membeli minyak masak bersubsidi menerusi platform e-dagang meskipun harganya lebih mahal berbanding harga kawalan yang ditetapkan kerajaan iaitu RM2.50 sepeket.

Bercakap kepada *Utusan Malaysia*, seorang pengguna, Mohd. Fazrul Hafiz Bakri, 22, berkata, kesukaran mendapatkan minyak masak peket sudah berlarutan sejak Oktober tahun lalu, selepas Perintah Kawalan Pergerakan (PKP) ditamatkan.

Katanya, peniaga mula mengenakan had pembelian bagi setiap isi rumah, walaupun mendakwa bekalan minyak masak peket mencukupi.

"Minyak masak peket memang ada dijual di kedai runcit tetapi kuantitinya terhad. Jika benar bekalan banyak, mengapa mesti dihadkan dalam kuantiti yang tidak munasabah?"

"Peniaga juga dilihat 'pilih kasih' kerana menjual minyak masak peket dalam kuantiti tertentu tanpa had kepada pelanggan tetap mereka.

"Jika masalah bekalan min-

yak masak peket ini tidak ditangani, saya sanggup membeli di platform e-dagang sebagai jalan terakhir kerana harga yang ditawarkan masih rendah berbanding harga minyak dalam botol," katanya ketika ditemui.

Tinjauan akhbar ini di premis-premis perniagaan sekitar Pekan Kuala Sungai Baru dekat sini mendapati, ia dijual dalam kuantiti yang terhad kepada pelanggan.

Sementara itu, seorang lagi pengguna, Suzanah Mustajab, 47, memberitahu, dia terpaksa mendapatkan bekalan minyak masak peket di kedai yang berlainan, susulan catuan pembelian yang dikenakan.

Menurutnya, setiap kedai mengenakan had pembelian berlainan yang membenarkan setiap keluarga membeli dua hingga lima peket sahaja.

"Bukan semua kedai ada bekalan minyak masak. Dulu saya boleh beli sekotak minyak masak peket tetapi sekarang kena ikut kuantiti penjual," katanya.

Bagaimanapun, pihak peruncitan memberikan pandangan yang berbeza dengan mendakwa, bekalan adalah mencukupi.

Seorang pekerja kedai, Zulkipli Ismail, 39, berkata, corak



SEBUAH kedai runcit di Pekan Kuala Sungai Baru, Alor Gajah, Melaka kehabisan bekalan minyak masak bersubsidi. - UTUSAN/ MUHAMMAD SHAHIZAM TAZALI

pembelian pelanggan adalah seperti biasa, namun terpaksa menghadkan pembelian sehingga empat pek bagi setiap pelanggan.

"Bekalan memang tiada

masalah dan mencukupi kerana kedai ini mempunyai dua atau tiga pembekal. Pelanggan juga membeli seperti biasa tetapi dalam kuantiti yang dihadkan," katanya.

Manipulasi harga minyak masak subsidi dalam talian

Oleh HADI AB. MANAP
hadi.manap@mediamalaysia.com.my

MELAKA: Kesukaran pengguna untuk mendapatkan minyak masak pekete satu kilogram (kg) di pasaran telah dimanfaatkan kelompok tertentu dengan menjual barangan bersubsidi itu melalui platform beli-belah dalam talian.

Dijual dengan harga lebih sekali ganda daripada apa yang ditetapkan kerajaan, meskipun mahal namun ia tetap mendapat reaksi positif pengguna.

Ini kerana tanda harga yang diletakkan peniaga dalam talian tetap lebih murah berbanding harga minyak botol yang melambung di pasaran.

Pemerhatian dan semakan *Utusan Malaysia* terhadap sebuah laman sesawang e-dagang



TANGKAP layar iklan minyak masak pekete bersubsidi yang dijual menerusi platform beli-belah dalam talian.

terkemuka mendapati, rata-rata penjual menggunakan konsep jualan secara kombo, seperti minyak pekete digandingkan dengan barangan lain seperti plastik sampah, mi segera dan sebagainya.

Seorang penjual beralamat di Melaka menawarkan lebih 14 pilihan kepada pengguna dengan

harga jualan antara RM15 hingga RM36 bagi setiap set, tidak termasuk kos penghantaran.

Satu set terdiri daripada sekurang-kurangnya tiga pekete minyak masak bersubsidi, di samping satu barangan lain seperti plastik sampah, beg plastik, bihun dan pelbagai lagi barangan keperluan harian.

Jika dinilai semula, harga untuk tiga pekete minyak masak bersubsidi berdasarkan Akta Kawalan Bekalan 1961 adalah RM7.50 (RM2.50 sepekete).

Justeru, adalah tidak relevan ia dijual pada harga sedemikian, walaupun ditawarkan secara kombo bersama dengan barangan lain.

Cara sedemikian dilihat seolah-olah cuba menyembunyikan harga jualan sebenar untuk satu unit barang kawalan berkenaan.

Ketika dihubungi *Utusan Malaysia* menerusi ruangan sembang yang disediakan, peniaga akan dihantar dalam tempoh tujuh hari kerana pihaknya sedang menunggu stok.

"Minggu depan minyak sampai, kena *pre-order* (pra-tempah). Kita tiada kedai fizikal,

hanya jual dalam talian sahaja," katanya.

Dalam pada itu, Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar memaklumkan, pihaknya menyiasat perkara tersebut dan telah meminta penjelasan daripada syarikat pengendali e-dagang terlibat.

Beliau berkata, hasil maklumat awal yang diperoleh, peniaga didapati mendaftarkan alamat perniagaan palsu yang tidak wujud.

"Setakat ini KPDNHEP tidak menerima sebarang laporan berhubung taktik sebegini. Cuma kalau ia dijual mengikut harga yang ditetapkan, tidak menjadi kesalahan minyak masak bersubsidi dijual secara dalam talian,"ujarnya.

Senarai Harga Barang Keperluan		Telur Gred A		Gula Pasir		Cili Merah	
Ayam	RM7.99		RM12.30		RM2.85		RM8.89
Daging Lembu Tempatan	RM42.99	Ikan Kembung	RM15.99	Bawang Besar Holland	RM1.80	Kubis Bulat Tempatan	RM2.79
Daging Lembu Import	RM28	Minyak Masak	RM6.50	Bawang Putih	RM5.50	Tepung Gandum	RM2.20

*Harga (RM/kg) Sumber: KPDR/HEP